

ХІУ ДИЛА ХІУЛБАЛА ШАЛА САЙРИ Я АЛЛАГЪЛА РАСУЛ ﷺ!

Инсаниятла тарихлизибти машгурти адамтазибад цабехІ гъабзадешличил декларбулхъутири, декларти — сахаватдешличил, гІурти — бархъдешличил, цархІилти — ряхІмуличил, цабехІти — гІякълуличил ва илкъяйда цархІилти пергер хІяланачил. ЧянкІли МухІаммад идбаг ﷺ сайри сунезир илди лерилра пергер хІялани лерниличил машгурвиубси. ИлхІелира илизирти гІяхІти хасиятунни цархІилтазир лертачил гъатІира къулайдешуначил деклардулхъутири. Илбагъандан МухІаммад ﷺ Аллагли ﷻ Къуръайзивра гапируси, черяхІти адабла, халаси сабулла сайницун ахІенну, лебилра инсаният жагабирути хІялтІабигІятличилси сайливан чейахъули. Бусурмандин каби-зес гъалаб гІярабти пасаддеш-лизибти, хъям-къацбикІути, цІакъсили цІакъ агарси хІелтути, держлукъуни, руш-батчиби ва цархІилти вайти тІабигІятла адамти сабри. Ид-багла ﷻ асарлиуб илди барсби-уб, бяркъличи бикІиб, пергер адамти бетаур. Ил сархибдеш МухІаммад идбагла ﷻ халаси гъунар сабри. МухІаммад ид-багла ﷻ вархъдешличила буру-ли сари илала гІямрулизир ка-дикибти чумилра анцІбукъли, иличи сегъуна дигара даража-лизиб бирхауди биъхес виру-сири, ил лугІилизир уркіила дегІлара дигІянти секІал бу-лан диахъубли. Ил багъандан саби иличила гъайбикІухІели, «МухІаммадунил амин» бикІути. Илди дугъбала мягІнара хІялалси, марси, умутбиъхеси МухІаммад ибси саби. Исламла душ-мантани МухІаммад идбаг ﷻ



кавшес къасличил чумилра хъул дурадерибтири, амма илди кІинайс бусурмантала някъбази бикибхІели, Ид-баг ﷻ илдачивад чевурху-сири, ряхІмучевдешличил декларулхъусири. Идбагли ﷻ кумекличи хІяжатдеш лебси-лис ил мурталра биахъуси-ри ва халаси разидешличил иличи музаулхъусири. Се тІалаббаралра бедлугусири, сунес силра гІелаб хІебатурли. Илдини ﷻ садакъа хІебутібси бархІи бируси ахІенри. Ку-мекбарес ахъри агархІелира илини силра дигІянбируси ахІенри, сунела уркіилчибси пикри бурусири, лебгІеб жа-


гали аргъесли, лехІихъусили къабулбаресли. МухІаммад ид-багли ﷻ сунела асхІябтазивад гъарил халаси къайгъили алавуруцусири, ва иличил ихтилатикІули калунсилес гъанбиркусири «Ишис ну вегІлара дигуси ургус» или. Къуръайзив МухІаммад ид-баг ﷻ бирхутачи ряхІмули вицІибси сайливан гъанур-шули сай. Ил викІусири: «Эгер хІушани ванзаличиб лебти лебтачилра ряхІму дакІубарадалли, илхІели гІяршличибтани хІушачира ряхІму дакІубиру». Идбаг ﷻ мискин-пакъиртани дуру-таци, илдала тиладилчи

сгІятунадли лехІихъусири. ЛехІихъусири гамъабачи, бухънабачи, цархІилти къи-ян-жапализи бикибти адам-таци. Илдини сегъуналра анцІбукълизир къяркъдеш дакІудироти ахІенри, хала-си адабличил, адамтаци ди-гилличил декларулхъусири. Капуртани ил палчи сайри ва хІу далкІта угъулри или гІяйиблизи урцухІели, капур-тала ургабадти адамтани бу-лан 40 дус къумба хІевгъули хІериубси адамли гІурра къя-на хІебуру или марвирути анцІбукъуни дирутири. Идбагли ﷻ сегъунал-ра анцІбукълизиб че- ➤ 4

Номерлизир:



Къакъмаахыла шилизиб Идбаг ﷻ акІубси бархІила хІурматлис мавлид бариб



Муридиубти «Агъу»!



Мурул адам вегІгъуна мурул адамла някъличи байвикес секъяйда вирусив?!!!

Имам Шамиль — дявтала нами!!!

ХІядисуназиб бурни хІясибли дурхъати адамтала у гъанбуршухІели, Аллагъла баракат хъурабируси саби. Ил баракатличи хъулдикІули нушанира Аллагъла ﷻ вали, имам Шамилла хІекълизир чумал гъай дурехІе. Марлира имам Шамиль дурхъаси вали сайри, сунела гІямру дин багъандан Аллагъла ﷻ гъуйчир харждарибси адам сайри. Сенилра вайти адамтала мухІлиби гъайхІедикІули хІедуар, гажара сецад балхаллира гъямбикІуси саб. Бахъал бирар имам Шамилличила вайтІа гъайбикІути, имам Шамиль дунъяла мас-давла багъандан ургъусири бикІанти, имам Шамиль халкълчи уркіецІи агарси адам вири бикІанти,

халкъ язихъбиран вири бикІанти. Илдигъуна гъай динла душмантани нушала Идбагличира ﷻ дурули бири. Илдигъуна адамти халаси урехилизиб саби, илдас къалабали тавбу дарес хІяжатбиркур, сенахІенну Аллагъ ﷻ хІядисул къудсилезив викІули сай: «Наб дигантас зарал барес узусилис Нуни дяви бурулра». Илди адамтира Аллагъличил ﷻ дявиллизиб саби, Аллагъличилси ﷻ дявиллизибра чедивикес хъулвикІуси левли виалли ит гІякълулизиवाद ухъунси адам сай.

6-эси халиф.

Шуайб Афанди Багини сунела «Тіабакъат» бикІуси жузлизив лукІули сай, Пумар ибн ПябдулгІязизла

заманала гІергъи цалра халиф ветхІеур имам Шамильгъуна. Имам Шамилла заманализиван шаригІят бузахъуси цалра замана аги 5-ра халифла замана дикили гІергъи. Имам Шамиль сунела гъава багъандан ургъуси ахІенри, ил ургъусири дин багъандан, сай гІясивиубси замана ил ярагІличира гъамвируси ахенри, сенахІенну Пяли асхІябли ﷻ душман кавшес шушка ахъбуцибхІели ит душмай илала вяхІла тудяхъиб, Пяли асхІяб ﷻ гІясивиуб ва душман кахІевшиб, дергъ таманбиубли гІергъи илизи сунела баркъудила хІекълизиб хъарбаибхІели викІар: «Ну Аллагъ ﷻ багъандан ургъусира, дила гъава багъандан ургъуси ахІенра, илини дила вяхІла тудяхъибхІели ну гІясивиубра, нунира ➤ 4

Лавашала Районла Кьакьамахьила шилизиб Идбаг аклубси бархилла хурматлис мавлид бариб

Гьар дуслизиб гьядатли бетаурливан Рабиуль аввал базлизир деклар-декларти шагьуртазир, шимазир Мухьяммад акнила хурматлис мажлисуни дирули сари. Нушала Идбагли нушаб дарибти гяхидешунас, Аллагьли нушачи ихгьуна Идбаг хьураварили, ихгьуна Идбагла уммат дарнилис барес лайкьси шукру барес хедирехле, нушани дирути мавлидунира азир бутлала камси бутлаличилра ахлебиркуси шукру саби.

Илгьуна мавлид, мажлис Лавашала районла Кьакьамахьила шилизибра бариб. Зияратла баракатличи хьулбикьуги халкь гьачамличи-гьачам имцлабикьуги саби, ил анцбукьлисра Аллагьлис халаси шукру барес хляжатбиркур.

Мавлидличи деклар-декларти мераначибад адамти баклиб, баклибтази вягиза насихят дурес машгьурти гялимтира, хьукуматла хянчизартира лебри. Мавлидличи баклибтигяхилазиблебри Буйнакскла шагьарла имам Гябдулкарим хляжи, мавлид бикусира ил сайри, Лавашала районла имамла кумекчи Мухьяммад хляжи Даудов, Лавашала хьукуматла главала цаэси кумекчи Гябдусалам Дибиров ва цархилти.

Гябдулкарим хляжини дурибти гьайлизира:

Ншачиса чебла саби иш дуньяличир гьямру Ахиратлис диргалахедухьахь дерклес. Гьаманра кьаршибиркур хлякимтачил ца пикриличи даклес хейруси заманара, сенилра нушани дирути хьукуматличил дархдикили дирни гяхиси саби, илгьуна хянчила ахирра кьулайли бирар. Хьукумат декларли бузули, нуша декларли дузахелли ца дукалаличи арцурси чьакалагьуна бирар. Ну иш Лавашала районлизи чуйна ваклили виаслира, чум мажлисличив каласлира, Лавашала

хьукуматла главани сунела шайчивадли чилра вархьлерхьили калунси замана чехлебаира, ишбархлира нушала мажлисличи главала цаэси кумекчи Дибиров Гябдусалам ваклили лев. Их секлайзибад нушаб ашкарбирули саби ишти адамти район гьалабяхи башнилизиб кьайгьилизи бикили биъни, иш районличи илдала урки кьакьабикни. Аллагьлира чус кумек бараб Аллагь разиси тьахярличиб бузахьес.

Ахлerti узбира рузбира, нуни хуша мубарак дирулра иш дурхьаси бархиличил, сабира дурхьабубси, сунезив Аллагьли Хлябиб, Мустлафа Мухьяммад акнили. Аллагьлира лерил лерти аклахьубти сари Мухьяммад багьандан.

Муса идбаг беглар дурхьати 5 идбаглизивадли сай илдасра улуль гьязми или биклар, илизира Аллагьли Мухьяммад идбаглара Илала умматлара дурхьадеш багьахьурхели илисра дигули ахьиб Мухьяммадла умматлизивад ветэс, амма Аллагьли илала тилади хлебариб сенахенну ил сунела халкьлис деклараварибси адам сайри. Муса идбаг хьуликули калли Аллагьли варили ахлен Мухьяммадла умматла, нуша биалли дарилра. Хераягу их анцбукьличи, их, нушаб бикибси лотереяла билет саби, ихцад халаси уркецлизи дикили детаурлира. Илбагьандан нушанира мрутлар Идбагли салават буршухели, балга-дугля дирухели, дехлала-дазала дирухелли их нигмат гинилис шукрудиклес чебла саби. Аллагьли виригу нуша христиантали аклахьес, виригу жугьутунани аклахьес, гьякьлу агарти мицлирагира дарес виригу, Аллагьли нуша адамтали аклахьублира, иличира имцлал веглар дурхьаси Идбагла беглар дурхьаси умматли дарилра. Их дазу агарси нигмат саби. Нигматунира



Гурра дахьал лерти сари, нушани секлал чебиути хлулби, секлал бикьуги лихлиби, гьайдикьуги лезми, кьаркьала, кьаркьа арадеш ва гурра дахьал, ихти лерил Аллагьли нигматуни сари, ихтасра шукру бирес нушачиса чебла саби. Аллагьли Кьурьайзив вилкули сай хушани шукру барадала Нуни хушаб нигматуни имцладирисра или. Их аят баянбирули машгьурси гялим, муфасир Ибн Касирли Идбагла хлядис бурули сай: «Хушаб гьити нигматунас шукру хлебирадалли Аллагьли илди хушазирадли арху ва илдала мерличи балагьуни хурадиру». Гурра Аллагь хлядисул кудсилизив (Кьурьайзи кахедерхурти Аллагьли гьай) вилкули сай: «Ну вагьурти бунагьунази гьелабикибхели, Нуни чучив бекдешлизив варили, Ну хлевагьурси урхьисира», или. Дилара халаси хьул леб иш мажлисла гьергьи хушазирадли гьарилли Идбагла гьямру дьаркьес кьайгьилизи викниличибли Аллагьли шукру биру.

Дибиров Гябдусаламли дурибтазирадли:

Ахлerti динла узби хушаб баракаллагь, ну дебали разиллира ишгьуна мажлисличир бутлакьандеш дарес имкан гиниличи Аллагьли. Набра хуша, Лавашала лебилра хьукуматла уличирадли, хьукуматла глава Мухьяммадхляжи Меджидовичла лебил депутатунала уличирадли мубарак дарес дигуллира. Нушабра гьанбиркур иштигьуна мажлисуни гьаман дирес гягьиниси саби или, Лавашала районлизирцун ахли лебил Дагистайзирра. Сенахенну иштигьуна мажлисунани нуша цлакьдирутира, нушала ургаб диги имцлабируси саб, нуша цадирахьутира. Нушани чебиутира

динла душмантани сецад халаси цлакьра, харжра белгьулил чула кьас бетаахьес. Илбагьандан иштигьуна мажлисуни гьар шилизир, гьар ушкулализир, гьар мерличир дирес гягьиниси сари. Лавашала хьукуматла главала хьарбаркь хлясибли барили план лебси саби, ил план хлясибли районла бухнаб лебти лебил имамти бучили, илдази лебтазилра хьарбариб ушкулабтачил хлянчи барахьес, ушкулаб бучантази бархьси динла хлекьлизиб баянбарахьес, илгьуна хлебирес гьямал агара, бахьал жагьил адамти ит гьуни бархьси саб или динла душмантачил барх, бархьси дин бехьес бургьес аркьули саби. Ишбархилизиб балуси лугли хлясибли Дагьистайзибад 500 адам Сириялизи арбьакь, ИГИЛ-лис гьебли бургули саби, илдала лугилизиб хлябал адам Лавашала районлизибадра леб. Набра иш районла имамтасра баракаллагь багьахьес дигуллира илдани адамтачил хянчи бирнилис, илди адамтази гьайбикнилис, илдани жагьилтази бархьси динлизи зулму агни иргьахьнилис. Исламра ихцад жагаси дин саби, нушанира илала жагадеш халкьлизи чебаахьахелли илди саби рази-разили лябкьан ил динлизи. Иш мажлис барибтасра халаси баракаллагь багьахьес дигуллира, нушара хушала шайзибадли бехлурцуси гьарил секлал гьеббуцес хлядуртира. Мажлисличир гялимтани гурра жагати вягиза насихят дариб. Илдала ургаб мавлид бучантани Идбагла гьямура анцбукьуни, Идбагла глабигьятла лишанти баяндирути буйтри дучули калун. Мавлид таманбариб бархьси балга-зикруличиб. Херила дехлала дарили гьергьи баклибти халкь бахес делши устулти лерри, мавлидла беркайчи гьамхлейкахьи чилра хлевархьиб.



<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ</p>	<p>Главный редактор Азиз МИЧИГИШЕВ</p> <p>Редактор Асхаб ДЖАРБАЕВ</p> <p>Канонический редактор Мухаммад ДАВУДОВ</p> <p>Корректор Асхаб ДЖАРБАЕВ</p> <p>Дизайн, вёрстка Мухаммад МУСАЕВ Иса ОМАРОВ</p>	<p>Менеджер Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-42079 от 24 сентября 2010 г.</p>	<p>При перепечатке ссылка обязательна.</p> <p>Набрано и сверстано на компьютерной базе газеты «Ас-Салам».</p> <p>Отпечатано в ООО «Дом печати» по адресу: пр-т Акушинского, 20.</p> <p>Заказ _____</p> <p>Сдано в печать 30 декабря 2015 г. в 20:00</p> <p>Тираж 2 700 экз.</p>	<p>Адрес редакции 367015, РД, г. Махачкала, ул. Аскерханова 13а.</p> <p>Телефоны: Редакция: (8722) 51-85-22. Подписка и доставка по г. Махачкале: 914-222. по Республике Дагестан: 8-988-699-28-24.</p> <p>e-mail: assalamweb@gmail.com; www.assalam.ru</p>
---	--	---	--	---

Муридубти «Агъу»!


Папрусла тамбакулизир 400-личир имцалин химический, вайтги цахнабик лер. Илдазирадли 40 имцалин арадешлис урехилати сари. Илдала зараллизирадли аклес дирути излумала лугилизи кадурхар ракла излумаира. Папрусла тамбакулизи кадурхутазира агъулизи халдарибти секлал лер: никотин, бензоперин, цианид, мышьяк, формальдегид, углекислый газ, окись углерода ва цархилти. Папрусла верализирра лер агъули детарути бархбасуни: полоний, свинец, висмут. Масалалис кайсехле, гъарилла гъамрулизиб къраршибикили биэс асубирус (Рентген). Адамлира рентген бирахъу сунела къркъа духнарти хурри (легкие) чедаэс, илдазиб изала лебал багъес, лебли биалира сегъуна лебал. Нушабра дигъанси секлал ахлен ил рентген къркъайс дебели заралла секлал биъни, тухтуртанира, дебели хияжатикибсиллис ахенси дуслу бухнаб кийналичиб имцали ил хебирахъу. Канилав виштлеси левси хънул адамлис калли сенилра рентген хебарес бузар, лугли къяшла рентген барес хияжатикилира ил хънул адамла лебил кани декларси чиянкени алавбарилли ахли хебиру, сенахенну илизибад виштлеси халаси зарал лебси саби. Гъанна херая, бархила бухнаб папрусла ца пячка битиклуси адам, дуслу духнаб 500 рентген дарахъисигъуна вира. Адамла къркъайзиб

бицуси папрусла буцардеш 700-900 градусличи абиркуси саб. Адамли папрус битаклибхели, 7 секундла гьегъи или бекла мехеличи абиуси саб, гур туми къакъадирар ва иличибли башес гьегъисни гъавала къадар камбирар. Ил сабабли адамла къркъа кам бухнабиур. Папрусла зарулти илдицун ахлен, папрусли цулби духъутдиру, сурскъакъа изахъу, папрусла верани хулби хинтлендирахъу. Лебил дунъяличи папрус, асударибти наркотикунази халбарисаби, сенахенну тамбакуличира героинличиван бурсивирус сай, ва ил агарли уэс хейран вира, амма ил героинличиван къалабали бетхлерар, ил секлал багълалли, вегли багърахлебагъури бетарар. Россияла бухнаб касалли, дуслу духнаб 265 миллиардличи гъамли папрус дитиклули сари, гъар адамличи дутлалли, цаличи 1800 папруси дуслу духнаб детарули сари, их луглира дусличи дус имцаликили саби. Папрусли иштигъуна излуми аллахъули сари: хуррала рак, хронический бронхит, коронарный изала. Делчунтани кабизахъни хиясибли, хуррала ракла изайзибад бубклути 90% папрус багъандан саби, бронхитла ва эмфиземала изайзибад бубклути 75% папруслизибад саби, уркила изайзибад бубклути 25% папруси багъандан.

Папрус битаклибти вера цуба тиряпкаличи уфдяхъялли, илаб бухъутла къел кавлан, итра саби «деготь» биклуси, агъула бархбас. Ихра ракла изайс бегла цлакъси сабаб саби. Гъарала лихиличи тамбакула «дегъ» ца чуйна бакалли, ракла бемдри алкан.

Папруслис харжани

Нушала заманализиб халкъла ургаб бузуси секлал дебели кыматла бетарули саби. Гъанбикеслира саби, папрус-держличиб кыматла бетаруси силра хебургар или, цабехлгас илди къацличир дебели гьегъили сари. Гъанна пикридулхехле, нушала бархназиир лерти папрусунала пячкнала ургайчибси багъа 100 къуруш саби. Лер илди 80 къурушмалара гъатлира диргеттира, лер 120-150 къурушмала ва гъатлира дурхъатира. Нушанира кайсехле ургайчибси багъа, итра 100 къурушличи абиркур или гъанбиркули саби. Ургайчивси адамлира бархила бухнаб ца пячка папрусла бужути вира, камли бужутира бирар, гъатлира имцалира бужути бирар, нушани ургайчибси кайсехле. Гъар бархли папруслис илала 100 къуруш аркули саби, базла бухнаб 3 000 къуруш, дуслу духнаб 36 000 къуруш.



Барисаби хисабли чебаахъили саби, Россияла халкълизибад имцалинти адамти 15 дуслу гъамричиб папрус битиклес бехбирхъули саби, 15 дуслу гъамруличив папрус битиклес векихъибси адамти 60 дуслу гъамру дерклалли, 1 миллион 620 азир къуруш арцла делгъули сари. Илди арцра папрус битиклусини чянкли игути сари. Гъанна хердилзехле алав-чарли, сецад лебал 60 дусличирра имцалин гъамру дерклили, папрус барххлебагурти. Аллагъ Къуръайзив викули сай (мягъна): «Аллагъли хлушаб, хлушала къркъайс зарал бирус гъарил секлал хиярамбариб». Сегъуна пайда лебхули нушаб папрусли!? Сегъуналра лебхули ахлен, ну-

шала къркъайсра, маслисра сегъуна зарал лебхули нушани гъалаб бурира. Аллагъли ❦ гили саби нушаб къркъала, арадеш, мас. Селис гисив ил!? Сегъуналра пайда агарси шайчиб заябарахъес гисив? Къркъа гъавалис геларад дашули заябарахъес гисив? Ахлен!!! Аллагъли ❦ нуша алахъубтира Сунес гьабат барахъес, Сунес лагъдеш дарахъес, нушаб масра лугуси саби нушала дунъяла хияжатуни ахъахъес ва имцабухъунси хияжатикибтас бутлахъес. Чула къркъала, мас сегъуналра пайда агарли заябирантазибад Къиямала бархли жаваб тлалаббириу, ит жавабра чули бедес хебирар.

Умуси наслу абилкъехле!

«Хлушаб халкъ мутиглбаклахъес дигалли илдала хънул адамти пасат бара» - немецунала хлукуматла хиянчизар Геббельс Йозефла гъай сари. Ихтира чили дуралра, чуйна дуралра дархъти гъай сари. Челябинкуси уммат бяркънилизиб имцалинси хиянчи хънул адамтачиб саби, биштлатачил имцалинси замана нешхъалани бурклути саби, дудешхъали биалли яшавлис бузес хияжатикили саби. Россияла бузес душмантани дахъал авара дариб, дахъал давти вьшдариб амма чула пикруми детхеур, ишбархлира илдала Россияличичи кършидеш кадурхули ахлен, амма илдани Россия чула цакъличибли бузес хебирни багъурхели илдани ламартла гъундури пайдаладариб. Америкала хлукуматла беклешлизир хиянчи дируси массон Алан Рогерсла гъай: «Цакъличил чедивикес хейрадли ламартла гъуни пайдалабара». Американи Россия бухнабадли тлугубарес къас барилли саби. Американи чула къас дурабурклули саби: «Нушани хлушала гетеросексуальный (мурул-хънул бархбикили цалабикис хъалибарг) хъалибаргунли делхъехле». Америкализивадси, душмандеш дурадурклуси гей (мурул адамличил ухъала калхъуси мурул адам) Алан

Гинсберг викули сай: «Нуша хлушачи хлушала биштлатачирад адиехле». Американи илди геяни халаси харжличил гьегбурцули саби, илдала хиянчира Америкала дазурбахлиб кавлули ахлен, ил нушачира тинтлбириули саби. Россияла бухнаб жагъилти чула ургаб гъамбириути (зиналичибли биаб, мекъ барилли биаб) дусмала хисаб хиясибли: 1996 дуслизиб Россияла рурси ургайчир 19-20 дус риубхели сарри мурул адамличил гъамриуси, 2006 дуслизиб 16 дуслу гъамруличир, 2014 дуслизиб ил лугли лерил дазурбазибад дурабулхъули саби, 12-13 дус биубти рурсби мурул адамтачил гъамбириули саби. Россияла бухнаб бузуси законли 16 дус хериубси рурси шеридеахъес асубирахъуси ахлен, хебиалли илди лебил зинаба биркьути саби. Хисабли чебаахъни хиясибли, шаригъатла магъар агарли мурул адамличил гъамриубси ристлеси рурсилис 95%-ла урехи леб араси виштлеси ахелкнила. 1942 дуслизиб, давтала заманализиб ясирлизи буцили, деклар-декларти уряхти хиянчи дирахъес Германиялизи кибти рурсби ахтардибируси тухтур Хайнц Бар викули сай: «Россияличив чедивикес хейрад илдала ихъуна

нравственность (умудеш) лабалли. 99%-личи гъамли ахтардибарибти хънул адамтазибадли, 15-25 дусмала гъамруличибти, шерихиябъунтигъуна рурсидешлизиб саби». Рурсби, хлушала халанешхъалачибад дарс кайсенная, марлира илди хлушачиб гьахти саби. Хисабли кабизахъурливан, бахъал мурул адамтачил гъамриули калунси хънул адамти, сунезир лебил сунечил бархбикибтала хиялани цаладирхъу, илис гъарус мезли эффект телегонии или биклар. Ихала дурабадра илгъуна хънул адамла урки бячунси бирар, суненира гъатли, цайнейсилван умутира, цакътира дигай дихъес херирар. Хънул адамличил цайнейсил гъамвиубси мурул адамти, илала лебил аклугбас сунела тлалитла лишанти дедлуга, илди биштлати декларти муйлазибад аклаллира. Ил секлал гьахил бала урчи, гажни, лагъни аллахъантани. Нушала халабегтани ихти далутири, хлушани далуллирав? Гъанна даладая. 95% мурул адамтас хъали-мер рурсидеш черси хънул адамличил цаладахъес дигахъу. Рурсидеш черси адам умудешлира, урезиллирицилирирар, рурсидеш агарси риалли, няслира, пасатдешлира рицили рирар. Бахъал мурул адамтачил гъамриубси хънул

адамлизибад биштлати дигуси мурул адамти, илала лебил буибти мурул адамтала тлалитла цаладикибти биштлати абикъес хияжатикили саби. Хънул адамла ца мурул виэс хияжати саб, илкъайдали бири мурталра, ил шартличибад чеввухъунсинира сунела ахир бургу. Рурсби!!! Шери дякъи, мурул ветайчи, урхла муйлачил сегъуналра вяшатлала датирая. Дурхлини!!! Шери мабикидая пасатти рурсби, шеридеахъес рурсидеш чебти, умути рурсби. Илди камти саби, амма илди лебти саби. Иш статья хиядурбарисирри гъарула иследователътани. Гъанна пикридулхехлелли, лерил иш статьялизир ишбархли дурутира, мяхкамдеш барахъес чедиахъутира Аллагъли ❦ Къуръайзир 1400 дусличирра имцалин гъалар дурули сари. Аллагъ ❦ Къуръайзир викули сай (мягъна): «Хлуша зиналичичи гъамрамадирудая». Аллагъли ❦ зина бирни махбириули ахлен, зиналичичи гъамвиънира хиярамбириули саби. Пасатти беглтизибад умуси наслу алклуси ахлен, умуси наслу умутизибадли алклуси саб, ахлери узбира, рузбира, бусурмантала уммат букъбуънилис сабабли детмарудая, умуси наслу абикъес къайгъи бара!»

Имам Шамиль — дявтала ламии!!!

1 « ил ит заманализив кавшасри дила гьими багъандан кавшни бетари, нунира Аллагъла ﷺ гъалаб жаваб бедес хляжатбирки». Их анцбукъличи хъарахъибсири имам Шамильра. Сай 25 дус ургъули калаллира, илини белчуди, багъуди балтуси ахленри. Суненира халаси къулукъ бири мадрасуни ибхъес, илди дузахъес, мутагялимти бучлахъес. Дургъбазиб бургъес дурабухъунтазиб пагъму чебти даклубухъаллири, илдази датахъули дургъби бучлахъес бурхъутири. Дагъиста халкъла багъуди, дявти дехидихъес гъарти замунтачиб 10-нали имцлабиублири, учес, луклес хлебалуту адапти дебали камти сабри лебти хаслира гярус мезлира. Мадраса агарси ши хебири. Гярусла делчунси, генерал Услар виклули сай: «Дагъиста агълула луглира иларти мадрасунала луглира цугдуцаллири, Дагъиста агълула багъуди чебдешла (грамотность) даража европейцуналайчиб чедибирки».

Имам Шамилла къас капурти кърбарес сабрив?

Нушала Идбаглан ﷺ имам Шамиллара капурти кърбарес ибси къас хебири, ил ургъусири Аллагъла ﷺ дин кабизахъес. Рамазан Бутгила «Аль-Джигъад филь-Ислами» биклуси жулизиб бурули саби, ярагъличил бируси гъазаваг шаригъят кабизахъес бируси саби, душманти кърбарес бируси ахлен или. Ил секлала кабилзахъули саби иш анцбукъли, имам Шамилли Идбагливан ﷺ гъазаваглизидураухъес гъалаб сунела мюридунази хъарбирули вири хъунул адапти, бухънаби, биштлати кахлебуршахъес. Шими, хъулри игхейгахъес, галгуби хлядирхъахъес. Ясирли буцибгачил имам дебали клантйли вири, чула дин бирахъес кършидеш хедири. Буруливан, имам Шамилла бархъдешличила бакъибти бахъал капурти бусурманбиубтири, мюридунала къуйрази баклибтири бургъес.

Чевяхъиси полководец.

Европейцуни Кавказличибси дявилчи хербиклутири ва тамашабирутири секъяда ихцад

цакъси царская Россия, сабира урибси Наполеонличиб чедибикибти, чедибикес хебирутив ихцад камти Шамилла мюридуначиб. Илдани балутири гярусла пачани имам Шамилличи кършили Наполеонличи дяхичаибси цакъличиб клркали халаси цакъ дяхичаибсири. Имам Шамиллис оценка бедлугули Турцияла историк Албай Яшар луклули сай: «Дунъяла хабуртазив полководец хейбу имам Шамилгъуна. Наполеон дявтала га виалли, Шамил дявтала цала халаси ламии сай». Гярусла пачни саби тамашабирутири Шамиллизибси дявтала багъудиличи, секъяда ил мурталра чедивиркусирил агарти арца, агарти ярагъра, камти адаптира сайра. Ахлульгола дяви касаллира, гярусла бургъантазиб 30 000 адам беклибтири, Шамилла 300 мюрид беклибхейс. Гурра бурули саби, Ахлульгола дергълизиб, ца бархила бухнаб агресортала шайзибадди 5000 адам кърбарибтири. Дири замунтира, гярусла генералти 2 адамличичил чарбулхъулелли.

Имам Турциялизи ваклибхейли.

Имам Шамиль Турциялизи ваклибхейли иличи ваклиб Турцияла пача Абдул-Азизи. Имамли илис уркъубахъиб (упрекнул) сунени барес чесиби масла кумек хебарни. Пачани имамлизи хъарбаиб: «Шамиль! Ху 25 дус ургъули калунри, ху секъядали мицили калунсирив? Хуни дургъбази мюридуни бархили, ху хъулив кавлуни вирадхив?». Шамиль илала гъайличи дебали гясивиубли, айзурли сунела къркъала чянклубариб, Турцияла пачани илала къркъайчир 40 халати дяхъи дейгун, илхелира ил висивииб ва сунела трон (пачни кабируси халаси ута) чебаахъили, ихичи кайэс ху лайкылири набчив илди виклар. Имам Шамиль Турциялизив левалли илизи хъарбаиб вегларе дебали селичив пашманли саял, имам виклар: «Ну карцили марайвариллира Кавказла дубуртазиб калунти гъузатуначи, илдазивадли гъарил цехнаб гяскарличи цугвиркур». Имам Турциялизивадли Мадинализи арукибсири, илавра ит заманализив Идбагла ﷺ насабла адам левсири.

Ил гямрулизивадра гъес виубси, накъшуманди тарикъатла устаз сайри. Илини сунела дурхнази тиладибариб сай имам Шамилличил кършивикахъес сенахленну сайцун арукъес илала арадеш аги, ил изули ухъалав сайри. Илди кършибикиб, шайхра имам чеваибхейли илала къашмахи кайкили висес вехихъиб, Шамилли ил ахъуциб, шайхра имамлизи виклар: «Дуги набчи муэрлизиб Идбаг ﷺ ваклиб, Илра виклар нушачи гяхладли ваклили дурхъаси адам левну илала хурмат барес хляжатбиркур или».

Имам Шамиль ясирлизи сай вякунсирив?

Имам Шамиль ясирлизи сунела ихтиярличивли вякунсири диклуту хабурти, къанала сари, имам ясирлизи вякунси ахленри. Мухлямад Тагъир Къарахъини луклули сай: «Бегларе гьегъеси сьгьятлизивра, Гунибла бяхличив Имам Шамиль гъарил мюридличи гъамвирули, дергълизи дураухъахъес тиладивиклули калун амма чилра къабулхейкиб, лебил тиладибиклулри имамлизи гярусли буруси вягъда къабулбарахъес». Шамиль ясирлизи сунела ихтиярличивли хлявкънилис гурра далилти лерти сари, пачала гяскуртачи имам дурауьунхейли иличир ярагъ лертири, ясирлизи уцибсилчир ярагъ далтути ахлен, илала дурабадра Шамилла мюрид Чиркейзивадси Юнусра ярагъли вицилири. Гурра Шамилли гяруслизибадвягъда тлалабарибсири, ил вягъда барниличибли ахленси ясирлизи хлявкъяс. Вягъдала тлалабра сабри: 1. Дагъистайзибси Исламлис кършидеш хедарни. 2. Дагъистайзиб христианство тинтхейбирни. 3. Дубурланти гярусла армиялизи тлалабхейбирни. 4. Халкъ чула ургаб цаличи-ца гьирхейбирни. Ихтала дурабадра гурра дахъал тлалаббунни лертири, илди лерилра дарибтири пачани. Россиялизив левалли имам Шамилла халаси хурмат бирутири, имамла гъайлизибра леб: «Аллагъличи ﷺ шукру биаб



дила къркъала цакъли бицили лебали гъазаваг бирахъес гярусунгибнилис, Аллагълис ﷺ шукру биаб, ну ухънаваили дила къркъайзибад цакъ аръякунхейлли набчил юлдашдеш дарахъес гярусунгибнилис».

Имам Шамиль вебкйиб.

Гьиджрала 1287 дуслизив, зуль къагъида базла 10 бархилизив имам Шамилли иш дунъя батур. Дурхъаси имамлис джаназала дехлала дарес бахъал адапти цалабикиб. Бахълис имамла къркъайчи гъамбикес дигуллири, гъамбикес хебирутигъуна, джаназе архулейли, ил чула чедибад арбухахъес илала уди кабилхъутири, цабехитани чянкйила кусук игъули ит гъамбикахъи, гур ит чянкйи чус баракатлис кайсутири. Шамиль Идбагла ﷺ дудешла узи Гяббасла ﷺ мякъла хляривихъиб. Ит заманализив машгурси гялим Ахмад Рифагйини сунела някъли имамла хлябла цеддализи белкун: «Иш хляб Аллагъличи ﷺ гъамвиубси муршид, 25 дус аллагагъа ﷺ гъуйчив ургъули калунси, бархъси гъуйчивад чевхейлкунси, дурхъаси гялим, бусурмантала амир, Дагъистайзивадси шайх Шамиль Афандила саби. Аллагъли ﷺ сунела рухл умудараб, сунела гяхити гямулти имцладараб». Аллагъли ﷺ нушабра илдас геларад дашахъес тавфикъ бараб, илдани кабихъибси гъуни даимбарахъес агълу дараба, илдада умасра лайкыти дараба! Амин.

Ху дила хлулбала шала сайри я Аллагъла Расул ﷺ!

1 « сибси секлал хебарили балтуси ахленри. Гъачамра ил ца адамличил гъуниваэс вягдалавиубхейли, ил льякъян или хлябал бархи херли калунсири. Мухлямад идбаг ﷺ илкъяйдали халати гъабзадешличилра каби-залачебдешличилра декларухъусири. Душмантачил хила дергълизи дураульхъулеллира ил урехи агарли гъалав вашусири. Бегларе гяхгъабза адапти урухъиубти ва гела битлакибти анцбукъуни дирути сари. Идбагличи ﷺ ил секлал хасси ахленри. Цацахейли илала къакъла гелаб диглянбиркутири чула гъабзадешличила хабар дерхурти асхлябти булан. Чулира буруливан, гъазавтлизидебали къиянбухъунси замана нуша Идбагла ﷺ къакъла гелар дигляндилхъули калунра или. Идбаг ﷺ Аллагълизивадра дебали урухъусири. Сунела шаликарти ил разиварес аварали биркъухейлира, ил имцасигъуна за-

мана марайлили вирусирни, мурталра Аллагъ ﷺ гъаниркахъусири. Ил сунела асхлябтази виклусири: «Эгер хлушани нуни далуту далуту диадаллири, хлуша камли дукардирхлутири ва имцали дисутири». Идбагла ﷺ асхлябтазибадди цацабехл ил чехлейули бархи беркес хедирулра биклутири. Мухлямад идбагли ﷺ дебали камси беркала букусири. Гъайшати ﷺ бурусири чула хъулиб беркала барес ца ахлебикъурти жумягъуни ва бузри булан дири или. Цацахейли ил чумал бархи беркала хеберки кавлу-сири. Ил беркайчила гъайхейкли ва се бедаллира ил берки уи. Идбагли ﷺ давла цахнабирхъуси ахленри, ургабси даражала лебдешличил къабулли уусири. Илала давлачевиэс халати имканти лерли диаллира, ил бурчуси ахленри. Илини селизбалра сунес имцадеш бузахъуси ахленри. Нушала Идбагличила ﷺ душмантанира вайси бурес бирути

ахленри. Чузи Мухлямадличичи сен дургъутири, илини се бархъагардеш бирулив или хъарбаибхейли сегъуналра жаваб чарбатес хебирули лехкахъибтири. Идбагли ﷺ сунела хъунрас хъулирти хлянчилизиб кумек бири, сунела лугърачивад сай я беркайзив я палтарлизив деклархейлхъи. Сунела асхлябтала ургаб масхара бири, ва ахъти ахенти, жагати дукелциличил дукарвирхли. Къакъалаб биштлати кършибикаллири илдачил хляз бири. Виштласира сунела хъули чарухъунхейли, илала бегитани иличи Идбаг ﷺ гъамвикни балутири, виштласилизиб тамашали жагаси тем бири. Идбаг ﷺ сецад ахъси адамличил гъайвиклаллира итичив ахъсин калзусири, сунела ахъдеш биалли ургайчибси бири. Нушала Идбаглис ﷺ Сунела уммаг дебали дигахъи, бегларе гьегъиси гъайра Идбагла «дила уммаг» ибси сабри. Идбаг ﷺ вашухейли къркъубани,

гулгани, мицирагли ва цархилтани салам бедлуги. Галла уди кайалри галли къашбиубли дяхиди бири. Лерилра илди секлайра бурули саби Мухлямад идбагли ﷺ лерилра гямру Исламлис, сунела умматлис, идбагдешлис дедлугули калниличила. Ахлerti динла узбира рузбира, ахлerti дучланти, херая, нушаб масалли гъатли къулайси че лева? Сунела гямрула гъуни буцес че лева гъатли лайкъси нушала Идбагличичи ﷺ? Даширая, нушанира руркъехе, нушала дурхлини-рурсбазира, нушаб дигантазира нушала Идбагла гямру дяркъахъес къайгъи бирехе ва Илала гямрула гъуни нушанира суннатли бурцехе. Дурхъаси Аллагъли ﷺ нушазивад гъарил илала шафагъятла пай баибти детаахъаба, цархилти идбагунала шафагъятлара нушаб пай баахъаб! Амин.

Шантала Гьуни

Дусичи-дус нушала гьундури къакъадикъули сари, чумал дус гьалаб чумилра машина кадарцесигьуна гьуни ишбархилизиб ца машинара къиян-къиянли саби кабурусси. Илала хлекълизиб шаригьатли се бурулил хлердилзехле.

Кел шайчир хъалица диубли, илдала ургабад шанги башуси гьуни аркъули биалли, илди хьулрала беглас, гьуйчидяхи дизурги луцрачиб я балкун, я хьалч дураэс асужебирар, ил хиярамси саб. Хьалч, яра балкун дураэс асужебирар илди ахьдуцили, чула удивад адам лебил къаралдичи гьарвиубли шалгевухьеслин барили биалли. Гурра гьялимтани бурули саби, ил адамла бекличиб ваяхла мах кабихьили биаллира ил балкун диргалахлебухьеслин биэс хияжатбиркур или.

Ил гьуни адамтигун башуси хлебиубли мицираг дашуси биалли, илди балкунти ва хьулчри, сунечи дех чебихьибси мицираглиц диргалахледухьеслин ахьдуци чебла саби. Нушала заманализиб мицирагла мер машинтани буцили саби, нушабра нушани дирути, машинтани хисабдарили дирес хияжатбиркур. Гилмула жузазиб бурни хиясибли, шантала гьуйчи дурабулхьуси балку яра хьалчла ахьдеш беглара ахьси мицираг шалгевулхьеслин барес хияжатбиркули саби, ил багьандан нушала замана мицирагла мер буцибти машинтира нушани беглара халаси касес хияжатбиркур. Лерил дурайгьути машинтазиб беглара ахьси 4 митрула машина саби лебси, гурти гьатгирала халати машинти хасси хьарбаркъичил ва хьукуматла ихтиярличил дирути сари, илдирала халкъ хлербирути шагьур-

тази ва шимази дурхьути ахлен, илди авлакьуначир дузахьути сари, ил багьандан нушала шагьуртазир ва шимазир дузути дегларала халати машинтани хисабдарили дарес хияжатбиркур. Халкълис диргалахлебухьеслин ахьбуцили, бегларала халаси, ахьси машинтани хисаб дарили дарили виалли илис чилра диргалаухьес хейрара, я ил секлайс ихтияр гьягниса ахлен. Сенахленну гьава декларли биэс хейрар, ил ванзалис гьелабад лябкъян. Лерил нушала гьай ванзаличибад ахьбуцили гьаваличиб бирусси секла хлекълизир сари, амма ванзаличиб бирусси биалли, ил сенилра хиярамси саб гьуйчибяхи дураили барес, хиятта ил биштгаси ганзухь биалра, галги биалра. Сенахленну ил секлал башутас диргалабулхьан, илизи бархесра асужебирар. Я илгьуна секлал барахьес ихтияр бедес чилилра хейрар хиятта имамлира, цархилилира.

Гьанна хлердилзехле нушала къакьурбахли, адамли асили ванзла кусук, ил ванзала дазурбачира ца камли имцарадухьахьили луцри дирули сари, гьелаб сегьуналра бацси ванза хлебатурли, гур бирусси ганзухь биаб, къаси биаб ит шантала гьуниличи дураили бирули саби. Деклартани хиярам-балагьичил чула хьулрала гьалабси ванза бурцули саби ва гур илис хьукуматлизибад ихтияр бирахьули саби, шантала гьуни биалли гьачамличигьачам къакъабикъули саби, машина ташаэс ахли адам шалгевухьес мер агарбурули саби. Масала хьуми делгули сари, илди деглес, илаб бегунси баклахьес багьандан илдачи вашес гьягниса саби, вашули вашу-сира чилра агара, сенахленну хьуличи



шин духес, дек духес, гурра цархилти секлал духес гьягниса сари, хьумира гьар дус далцахьути сари, гьанна хьу балцахьухелли чула дазуличибад ца камли дурабулхьули саби, ил биру мякъласилира, гьундурира гьачамличигьачам къакъадирули сари. Хьали, тукен, падвал, дярхь бирусинира ца камли лац гьуйчибяхи бидикъу, илкъяйдали биру гурсинира ва гур гьундури къакъадиубли машинти дашесра дирули ахлен.

Нушала Идбаг ✽ викъули сай: «Чили ца хьат някъла къадар сунела ахленси ванза буцаллира Аллагьили ✽ ил Кьиямала

бархли верхел ванзала уди кархьу». Вегла ахленси ванза пайдалабарнилис ихцад халаси вягда леб.

Ахлерти динла узбира, рузбира, байхьала митрула яра ца митрула ванза буцили нушаб халал гьарзадеш хелуга иш къакъаси дуньяличиб, нушала узи-рузиис диргала духьнили нуша разихейрура. Марлира бирусси секайзиб Аллагь ✽ багьандан гьунилис батили ца камли гьелайзи видакьали, вегла силра камхлебирар, амма Аллагьили ✽ Ахиратлизиб илис лугуси багьалис луги чилилра хлебала.

Мурул адам веггьуна мурул адамла някъличи байвикес секьяйда вирусив?!!!

Сабитли ✽ буриб: «Ну гьар чуйна Анасличи укьясра, илини набзи кайэси мер чебиахьили, иличивад дурабулхьухели нуни илала някъбачи байвики викласи: «Идбагличи ✽ къячдикунти ишди някъби багьандан дила дудеш дихьали (выкуп) ветааб». Илис гьергьили нуни илала хьулбачи байвики ираси: «Идбаг ✽ чеибти ишди хьулби багьандан дила дудеш дихьали (выкуп) ветааб» (Хияфиз Гьяхьмад ибн Хияджарла «Аль-мутгалибу аль-галия» жуз, 2т., 111 бяхл).

Сухляйб ар-Румли ✽ буриб: «Нуни чебаира Пяли ✽ ибн Пяббасла някъличи байвикъули» (аль-Бухарила «Адаб» жузлизибад, №976).

Гьябдуряхьман ибн Рузайнили ✽ буриб: «Нуша Абу Салам ибн аль-Акваъла някъбачи байдикъутири...» (аль-Бухарила «Адаб» жузлизибад, №973).

Ибн Касирли ✽ белкунсири: «Хатлабла урши Гумарли байтуль Мукьаддасла зияртличивад чариубли Шамлизи аваибхелли, илис Абу Убайда ва Халид ибн Валид ва Язид ибн Аби Суфьян ва цархилти гьунибаиб. Абу Убайда мицирагличивад кациб, илхелли Гумара кациб, илис гьергьили Абу Убайдали хьарбариб Гумарла някъличи байвикахьес...» (ибн Касир, «Аль-бидая ва ан-нигьяа», 7т., бяхл 55).

Даширая гьанна деклар-декларти мазгьабла чебяхьити гьялимтала пикруми хлердирехле.

Имам аш-Шафигила.

Ибн Хаджар Аскъаланини нушачи баахьиливан, имам Нававини бурули сай: «Сунела гьябиддеш, ряхьятдеш, багьудичевдеш, хьурматчевдеш ва илдачи мешути цархилти гьяхити гьябигьатла чедяхьити лишанти багьандан адамла някъличи байвикъули биалли, ил мустахьаб (гьяхил чебиуси баркъуди) саби; эгер адам давлачев, арила вегл виъни багьандан някъличи байвикъули биалли, ил декси къадагьа саби» («Фатхуль-бари», 11т., 48 бяхл).

Имам Нававини дурибтигьуна гьай имам Аль-Баджуринира дурули сари.

Абу Хиянифала.

Ибн Гьябидин викъули сай: «Баракат биахьес багьандан гьялимла ва динличи чекайзурси адамла някъличи байвикнилизиб къадагьа лебси ахлен, иличира къаршили ил баркъуди суннатла бирар».

Аллама Зайлагьию виклар: «Джамигу ас-сагьир» бикъуси жузлизиб бурили саби: «Шамсу аль-Аиммати ас-Сарахсиюни ва цацабехьити къанни дакъубиубти гьхала-гьялимтани, чус керо баахьес багьандан, гьялимтала яра динличи чекабизуртала яра вирхуси пачала някъбачи байвикни асужебирар халбарахьили, кункъдеш аклахьули саби...». Суфьяну ас-Саврили буриб: «Гьялим адамла яра хиялалси пачала някъ байбирни – суннат саби» («Баяну аль-Хакъаикъ», 6 т., 25 бяхл).

Хиянбалала урши Гьяхьмадла.

Аллама ас-Сафариниюни бурни хиясибли, аль-Мазури викъусири: «Нуни Абу Гьябдуллагьлизи (Хиянбалала урши Гьяхьмад) някъби б а й д и р н и л и ч и л а хьарбаира, илини жаваб гьиб: «Эгер някъби дин бузахьни багьандан байдирути диалли, илизиб къадагьа агара» («Гьизау аль-Альбаб»).

Имам Маликла.

Хияфиз Гьяхьмад ибн Хияджар аль-Аскъаланили буриб: «Имам Маликли иб: «Эгер чевяхьили чейахьни ва хамдеш багьандан байвилкули виалли, ил къадагьа саби, эгер багьудичевси, хьурматчевси ва динниче чекайзурси адамла, Аллагьиличи ✽ гьамиеэс багьандан, някъличи байвилкули виалли, ил гьяхил чебиуси саби» («Фатх аль-Бари», 11 т., 84 бяхл). Гьанна хьерая, нушани гьаман дикъулира, веггьуна мурул адамла някъличи мурул адам байвикес вирусив дикъути гьай. Ихти лебил нушани гьалаб бурибти, муйли сабри, ихтигьуна муйли иш дуньяличиб гьатги ахлекесра асужебирар. Ихти



гьубзни сабри чула уркьилаб Аллагьилизибад ✽ ахленси урехи агарти, Аллагьили ✽ дин багьандан арслантиван бургули калунти, чула гьяму динлис харждарибти. Ихти сабри «мурул» ибси гьайлис таманли лайкъбиубти. Дурхьаси гьялимла, динла шулгив хьурматла ветаурси адамла, гьябидла някъличи байвикни ихти гьубзнанира, лебил гьубзнала гьабза Мухьаммад идбаглира ✽ батурси суннат саби.

Рияълис бараллира къаблубириси гиямал

Идбагличи ☞ салават бушибси адам-лис Аллагъли сунечи 10 салават чарди-ру, Аллагъли салават чарбарибси адам-личичи жагъаннабла ца къячхлебикан или хиядслизиб леб. Салават сегъуна жураличиб белчлаллира илала дурхъа-дешличила дахъал хиядисуназиб бу-рули саби. Салаватла пайдаличила ва дурхъадешличила:

1) Адамли Идбаглис ☞ салават буршухъели, ил Аллагъличил цугир-кули сай, сенахъенну Идбаглис ☞ са-лават Аллагълира буршуси сай, чула салаватуни деклар-декларти диалли-ра. 2) Идбагличи ☞ салават буршуси адамли ил салават бурули левали, Аллагъла малаикунани сунечира са-лават бучла.

3) Салават бучлуси адамла Аллагъли вецлал гияхти имцлациру, вецлал бу-нагъ умудуру, вецлал даражала ахъур-цу.

4) Къиямала бархли Идбагли ☞ ил адам-лис шафагъят биру.

5) Адамли салават белчлунхъели, ила-ла керо малаикунани мургъила къа-ламтачил арцла клапрази лукла ва ил адамлизи биклар: «Хуни салават имцлацирен, Аллагъли хъела керо имцлацирули сабину».

6) Аллагъли ил иманагардешлизива-дра, цлализивадра умувуру.

7) Къиямала бархли Аллагъли сунес ша-гъидуначил барх ряхъатдеш бедлуга.

8) Салават белчлунсилис малаикунани истигъфар (Аллагъ илала бунагъуначи-вад чевверхахъес тиладибиклини) биру.

9) Ил адам вебклибхъели, суне-

ни белчлунси салават хлябличичи тлашкабизурли, илала бунагъуни умударахъес тиладибиклар.

10) Ца салават белчлунсилис керо Ухлудла дубурацад бедлуга.

11) Белчлунси салават малаикунани Идбагличи ☞ арху, Идбагли ☞ сунечи-ра чарбиру. Илизибадди гъар салават Идбагличи ☞ бетихъуси саби.

12) Салават сабабли бирар дунъялара ахиратлара хляжатуни беклдиънилис, анцлдукъала черардукънилис, бунагъу-ни умударнилис.

13) Салават дурхъали бирар лагъ азад-ватниличиб ва гъазаватли дураухъни-личиб.

14) Гиямалти луклуги малаикунани сала-ватли бунагъ хлебелкъахъи тлашиули саби.

15) Салаватли адам цлализивад урцахъ-ули сай ва

80 дусла бунагъуни умудурули сари.

16) Аллагъла разидеш бакнилис ва урклеци хъу-рабиънилис сабабли бетарар.

17) Аллагъла гъимиллизивад урцахъу, ва Къиямала

бархли милигхлейгахъес ва гияхти гиямалтала шали

деклбихъес сабабли бетарар.

18) Сиратла гумиличивад някъ буци-ли

шалгъеввалта.

19) Чили салават белчлаллира ца бархлила бухнаб 1000, сунела анжана-лизибси мер чебаайчил яра малаикунани сай алжанализив ветарниличичи разиварайчил, убкхлебклар.



20) Ца салават цугбиру Аллагъла гъуй-чир дарибти 20 гъазаватличичи.

21) Алжанализибти вегла хъунри (хъурулгин) имцлацирнилис сабабли бирар.

22) Садакъа барес имкан агарси адам-лис, салават цугбуршу садакъа барни-личичи.

23) Ца берхилизиб чили 100-на белчлаллира, Аллагъли сунела 100 хляжат беклциру – 70 ахиратла, 30 дунъяла.

24) Салаватличичи даимвиъни, дугели шаладикай-чи гиябадатличичи даимви-убсигъуна саби.

25) Аллагълис бегла дигути гиямалтазибадди саби, Къиямала бархли ва сиратла гумиличиб нур саби.

26) Мискиндеш аркъяхъу.

27) Салават имцлацирси, Аллагълис бегла дигусира бегла Сунечи гъамва-рибсира сай.

28) Къиямала бархли Хлявзличичи арук-нилис сабабли бирар.

29) Балга-дугля къабулдарнилис сабаб-ли бирар.

30) Давлара имцлацирсахъу, гияхти гъун-дурачира салават бучлуси вархъилзахъу. Икди лерил пайдурти халати гиялимтани хлядисуназирад касили чула жузизир делкисари.

Ишбархилизиб фитна бирантани (вагъабистунани) ихцад дурхъаси салават бучлини бидгя, шир-клизи халбиру. Чула гиякълуга, гилмура агарли, илди дакъахъес къайгъира агарти сабни багъандан. Аллагъли дерцахъаба нуша илдала фитнабазир-рад! Амин.

Мавлид барес дигулра, амма бидгя саби или валтули ахленра!!!

Мавлидла хлекълизир нушани дахъал гъай дирехле, ил чинад баклибсил, илала се аслу лебсил, амма гъар дус, дурхъаси Идбаг ☞ аклубси, дурхъаси Рабиуль аввал баз баклибхъели мавлид бидгя саби, асухлебируси гиямал саби или, халкъ вавасбиклахъути адам-ти даклубулхъути саби. Илдигъуна адамти мурталра лебти саби, илдас-ра чула жал чедибикнила дурабад гиягъисил лебси ахлен, нушалара къас илдачир жаллизир чедидикни ахлен, Аллагъли чеббалкъахъунти чилилра бархъаес хлейрар. Нушала-ра къас саби, илдигъуна адамтани вавасалализи лайбаклибти, таман-ли хлулби къяпхъедиубти, дин ар-гъес дигутазиди бархъдеш баянбар-ни. Мавлидла хлекълизивра бидгя саби викулес вирар, ил къяйлизи кадурхути гурра дахъал секли лер, хлебиалли, чиди гиямал бидгялугази кабурухуси сабил, чиди керола, Ахи-ратла гиямал сабил багъес багъан-дан гъаланачи, саби бидгя се сабил багъес хляжатбиркур.

Хлебиалли се сабира бидгя? Се биклулира илала хлекълизиб гиялимти?

Ишбархли леб адамти чули динла аслурти далхъедалули, динлизиб лебси секлал инкарбирути - бидгя (нововведение) саби, асубируси ахлен или. Ил секлайсра илдани Ид-багла ☞ хлядис бурули саби: «Гъарил бидгя балкдеш саб, гъарил балкдеш цлализиб бирар». Гъанна ил, Идба-гла ☞ хлядисуначиблира, дурхъа-ти гиялимтала жузизивадлира баян



бирехле. Динла галимти биклуги саби Идбагла ☞ гъай баяндарес гиягъисити сари или. «Гъарил бидгя балкдеш саб...» биклуси хлядис агъу-суннала гиялимтани баянбарил саб ва илала мягъна бурил саб: 1) Имам Навави-ни буриб: «Гъарил бидгя ...» биклуси хлядисла мягъна саби, гъарил бидгя, сунезибра Шаригъатла аслу агарси». «Шарху Сахихуль...» №154-155. 2) Ибн Хажарли буриб: «Гъарил бидгя балкдеш саб...» ибсила мягъна, гъарил бидгя сунесра я шаригъатлизиб, я Ид-багла ☞ хлядслизиб аслу агарси. Рах-ли ил бидгя гияхси секлайзиб биалли, илис «бидгялугази хлясанатун» (гияхси бидгя) или биклар». (Фатхуль Бари» 4 бутла, 298 бяхл. 3) Имам Гъазалини буриб: «Гъарил бидгя хлярамси ахлен, хлярамси или биклар шаригъатла къа-нунтачи къаршиси секлайс, ил се би-

алра». (Ихъгъаъ. 2 бутла). Имам Муслим хлядис бурули сай: «Динлизиб, Исламличичи къаршили кахлебизурси се пикри-бараллира, ит пикриба-рибсилис, ит бузахъули лебалли керо башар». «Бидгя» биклар-динла ас-лулис хилаф хлебиклуси, сагали даклубубси, амма Идбагла ☞ за-мана агарси секлайс. Масала: Гилмула, мах-радъ-тажвидла жузи цахнадахъни. Машгурси Гиялим Мухаммад Муртаза Аз-Забиди сунела «Таджуль – Гярус» биклуси жузлизиб бурули сай: «Бидгя» ибси - гъа-лаб агарси, Исламла бехлибхъудлизиб агарси саб. Имам Шафигъини бурули сай: «Бидгя - клел журала бирар: 1) Гияхси бидгя - ил саб Къурайчира, Идбагла ☞ хлядисуначира, гиялимтала иджмагъличира (лебил гиялимти цабиубли барибси хлукму), асар-личира (асхлябтачибадди баклибси гъуни) къаршидеш агарси секлал. 2) Вайси бидгя - лерилра гъандушиб-таци балхлебикибси секлал саби. Агъу-суннала гиялимтала пикри хлясибли «Бидгя» клел журала би-рар: 1) Хлярамси - ил саби, бусурман адамтас кифру чебихъни ва илди убяхлибирни. 2) Хляралси (гияхси, асу-бируси) - гилмула кунги луклини, ма-драсаби, больницаби ва цархилти, адамтас пайдалацирути секлал дир-ни. Илкъяйда гияхси бидгялизиб

хлясабиру Рамазан базлизир диру-ти таравихла дехлбала, лебил баз жамагъатличил дирни. Илис аслу би-хъибсири жамагъатличил дирахъес Абу Бакр асхлябли ☞. Идбагла ☞ зама-на, Абу Бакр асхлябла ☞ замана къяйда, таравихла дехлбала жамагъатличил дирути ахленри. Идбагла ☞ замана илди таравихла дехлбала деклар-декларли дирутири. Адамти ми-житлаб, таравихличиб камбирули чебаибхъели Абу Бакр асхлябли ☞ илди дехлбала жамагъатличил ди-рахъес хъарбарибсири. Таравихла дехлбала жамагъатличил дирес бехлибхъибхъели илини ибсири: «Хлябра жагаси бидгя леб къалли иш, гъалаб агарси». Нушани балехле сегъуна сайрил Абу Бакр асхляб ☞. Идбагли ☞ ибсири: «Аллагълис ☞ ахленсилис сужда барес асубиралри, нуни Абу Бакрлис бираси» или. Дин-ла гиялимтани «бидгя» шел бутлаличи буртлуги саби: 1) Ваджиб (чебси), ил саб Къуръан кунглизиб (жузлизиб) цахнабахъни. 2) Суннатси - гилмула, фикъги-шаригъатла жузи луклини. 3) Мубяхл (асубируси) - дехлбайс глерги няхъби дурцини. 4) Къадагъ-аси - мижитунни ва Къуръан дебали жагадирни. 5) Хлярам (асухлебируси) - Къуръанничира, хлядсличира, гиялимтала иджмагъличира, асарли-чира къаршиси. Аллагъли тавфикъ-бараб гияхси барахъес, нушара гъар гияхдешлис бехлибхъудли дахъес. Илкъяйда гъархъара дараба Аллагъли ☞ вайсиллизирад ва гъар вайдешла бехлибхъудлизирадли! Амин.

Исмаилов Абдулхамид Исмаилович

Сунес зарал бирантачира уркъи изуси

Идбагла заманализир Мадинализир ца хунул адам лерри. Илини Идбаг валули ахленри, амма Идбагли чула беглала дин барсбарнилис, чули гядатливан дузахъути датахънилис, илди чус гяхидеш сабниличира пикрихерухъи Идбагличи гьими бихьиллири. Идбаг гьар бархи мижитла вашусири илала хуулрала гьалавад. Идбаг льякьни чебаибхелели ил хунул адамла кьалабарикили, ца тляхлянала духина хъулир лерти лерил хьаса-сури дучили, арацили хьалчи, удивад Идбаг аркьухелели иличи лайдакьиб. Идбагли илди чехледаибсиниван беклапра ахъхебуциб, аркьули левалли сунечирад илди палда пяхидариб. Хунул адамла кьас бариб, гьанна гьатли гьар бархи Идбагличи илди лайдикис или. Марлира ил анцбукъ тикрарбиуб гьачамцунра ахи. Мурт Идбаг мижитла аркьяллира ил хунул адамла илди мусур Идбагличи лайдикуллири, Идбагли ил че саял багьесалра бек ахъбурцули ахленри. Ца бархилилизир Идбагличи хьасапалда кахледикиб, гьергьила бархира кахледикиб, итис гьергьила бархира силра аги. Ил анцбукъличи Идбаг кьакьавикес вехихьиб, Идбагли




гьанбиркуллири асхьабтани ил хунул адам сунес диргаларулхъни багьурли илис се биалра барибара или. Идбагли сенилра иличи гьаввакьили, се бетаурлил багьес хьажатси сабни пикрибариб. Идбагли илала

хуулрала унзализи кьутдяхьиб, унза ца камли гьаргли сабри. Ухнаухъес асубирарал хьарбаибхелели, хулибад рухъна хунул адамла тамала бакьиб. Идбаг хули ухнаухъун, илар марлира рухъна хунул адам лерри

ухъала карихъунси, ил изуллири, сунес гьалавра чилра аги. Идбаг багьали илала мякьла кайъиб, клантили някь буциб, ва малхьямли «неш» или дугъавизур. Рухънала хуулбазирад биса гердухъун, сурсла гьандларти бисани гьай кьиянли ахи дурадулхъахъули ахленри. Идбагли илала изайчила хьарбаиб, се дарман дирулил ва чили кьулукуь бирулил хьарбаиб. - «Наб кьулукуь бирусира чилра агара, дурхни ва рурсби башули ахлен, нура сегьуналра дарман дарес ахърилизир ахленра», - или иб рухънани. Идбагли арякьилис дарман хиб, илала хуулразиб умудеш бариб, кьацли рахун, гур дарман дедиб. Лебил заманализиб, бисализибад рухънала гьай лябкьули ахленри. Сунени дирули калунтира гьандиркули, сунесра Идбагли се чарбатурал гьанбиркули децлизирад чина риркусил балули ахленри. Гур рухъна рикар: «Марлира ху Аллагьличивад вакьибси адам сайри, хлечив гьахсира нуни дила гьямрулизив чилра чехлеваира. Нунира бикьридеш дируллира сунес лагъдеш дарес лайкьси ца Аллагь ахленси агнилис, хура Аллагьла Расул сайнилис».

Гьарил зулмукарлис зулмукар челявкъян!

Мурул вебкьили калунси хунул адамла сунела дурхни абилкьуллири. Ца бархилилизирра ил хьянчиларад хули чаррулхъухелели сунела биштгасасра сунесра беркес или нусила кусук асиб. Хули ракили, сунела диругазир рархили лерали ил нусила кусук клел житани бигли арбухиб. Сабира, чула ургаб ил бутлес хлебирули жалбухъун. Чула ургаб бархьси хукму барахъес илди житни маймуйчи дакиб. Илди дакниличичи маймун дебали разбиуб, ва ит заманализибал касили умцантунира ил нусила кусук бутлес балбизур. Илини нусила кусук клел бутгаличи бутлиб, ца халаси бутла баклахьиб ца биштгаси. Халасигъуна ца шайчи кабихьиб, биштгасигъуна итил шайчи кабихьиб. Биз гьягъниливан, нусила халаси бутла кабихьибси умцантла шали декьбиуб, маймуира илди цугдиркахъусира или илизибад кьацбикиб халаси бутла беркун ва гур кабихьиб умцантличи. Илхелели итил шали декьбиубли ишил шали кункбиуб. Илхелелира маймуни итил кусукличи кьацбики бутла берки кабихьиб ва гьаннахелели ишил шали гурра декьбиуб. Илкьяйдали кусукуни цугдиркахъусира или маймуни илди дукули гьахил камдахъуб. Чули хибси нусила кусукуни тамандирулигу или уркъдхъунти житни, биур, нуша хлела хукмуличи разидикиллира или вьавдикес дехдихьиб. Маймун бикар: «Хуша разили диадаллира амма гьядлу разидикили ахлен, нунира хушала ургаб бархьси, гьядлу чебси хукму барес хьажатси саб».



Илкьяйдали маймуни ца кусук нусила таманли беркун, калун ца камси кусук. Илхелели житни тиладидиклес дехдихьиб ил кусукалра нушаб бихагу или. Илхелелира маймун бикар: «Хушаб хушала ургаб бархьси хукму барили дигуллири, нуни барира, гьанна биалли дила хлекьлизибра хукму барес хьажатси саб, иш калунси нусила кусук дила кьиянлис багъа саби», ихти гьайра дурили маймуй калунси нусила кусук беркун ва житнази чардахъес ихтияр бедлугнила ишара бариб. Лерил лерти мулкдешла чедир Аллагьла мулкдеш лерти сари, чизир мулкдеш лерли диаллира илди Аллагьли чус дедибти мулкдеш сари, илдас дедилван цархилтасра илди дедес Аллагьлис кьиянси анцбукъ ахлен, чумлис дедаллира, сецад дедаллира илдира Аллагьла кадурхуги ахлен. Гьарилла ризкьира нешла канилав левалил кьадарбарибси саби, ил се хьяйчи викаллира сунела ризкь хеберки убкьусира ахлен, ризкь берки гьергьи кавлусира ахлен. Сунечи бакьибси ризкь хьярамси гьунчибад бакьили биалли, ит баталлири хьялалси гьуйчибадра лябкьусири, хебатурхелели гьязбра чесес хьядуркайъаб. Гьарил зулмукарличира зулмукар вархьибси сай. Нушала хабарлизиб чьянкьили адамтала мер маймуира, житнанира буцили саби, амма илди нушала гьямру сари.

Сегьуна бирутил бусурмантл

Нушани дагьистайзиб чизи хьарбаахеллира се динла саю или, бусурман сайра или иру. Ил дебали гьахси саб, Аллагьличи шукрура биаб нуша бусурмантл сарнилис. Амма нуша шагьарлизи дурадухъи бусурмантл чебаэс умцлахелли илди дебали камли ахи лебтигъуна ахлен. Сен ну или виклусирав? Шагьадатра бушили, бархилис шелра дехбалара дирули, ахъри бакалли хьяжлизира арякьили, лебли биалли закят бедеси мас закятра бедили, Рамазан баз дуббуцурира дурцуси адам бусурман ахлену? Ихти суалти дакес асубирар. Илра бархьси саб, илди дируси адамлис бусурман ахлен виклес хейрар, амма нушала дин илди шелра бутгалчиб кабурухуси ахлен. Ислам лерил нушала гьямру сари, гьарил нушала баркьудилизиз Ислам лебси саби. Дехбайзивра бусурман, ихтазивадли дураухъунхелелира бусурмантл визэс чебла саб. Нушаб бусурмантл сегьуна бирарал багьес ца хабар бурехле. Дьатлатла агьлу, дьатлатли Бангладежлизи арьякьунхелели, илди ца мерличиб тлашбизур. Бангладежра дебали мискинси пачаликь саб. Итар адамла хуулри, луцрира, хьалчра биалли, давлачевсилизи халвируси сай. Беркеси агарли бубкьлуги бирар бахъал. Чучи дьатлатли бакьибти адамти чебаибхелели, илавси ца вакьили виклар набчи даширая кьацли дукес или. Илини илди сунечи арбукили, жагали устулра белши, гьахил кьацли бахи, бужахъили белкьахъун. Бакьибти гьахлзабидли цали хьарбаиб, хуша дебали мискинти адамти лерраюгу, хуни нуша ишкьяйдали дахес



секьяйда виубрив или. Ит адам виклар: «Нуни хуша дакьили чедаибхелели, нуни арбукили дила хьялибаргра, нунира хли дедира, ихти арцлис нуни хушаб беркесира асира». Гурра хабар бурули саб, илди дьатлатла агьлуличи ца адам вакьили виклар, вари хуша кьацли мадукудая, нуни хушаб беркеси лебхис, нуни гьахлядеш дарес дигуллира или. Баиб хлери, ил агара,баиб дакьа ил агара, бархи ихъули саб ил агара, сабира гушбиубли себиалра асахъес цагъунабси базарличи вархъес балбизурси заманализив ит адам вакьиб, ва виклар: «Хуша гьалар дукенная, хуша гушли дургудая, гур нуни дла гьузру бурисра». Илди буки белкьун. Гур ит адам виклар: «Нуни хушаб беркала барес узуси заманализир дила хунул ребкьиб, наб ит бекларес хьажатлири, нуни ит рирцира, кайфайзи руцира, гур хушаб беркала барили иша хира, гьанна биалли арякьили хунул хьяририрхьисра». Хлерира динла узбира, рузбира ихтира бусурмантл саб, нушара бусурмантл сарра. Ихти секьяйда хлерирулив, нуша секьяйда хлерирулирав?

Эгер муруй хьунул хиярамси тьярли дикибти арцичил арилкьули виалли, илизиб (хьунуйзиб) ихтияр лебу магьар бехьес?

Муруй сунела хьунул хиярамси тьярли дикибти арцичил арилкьули виалли, ва илала цархилти хиялалти арц (мас) хедиилли, илис беклахъ каби хьили гьерруцес, илгуна анцбукьлизиб илизиб ихтияр леб магьар кабушни тлалабарес, мурул хьалицлала бархбасуни дехъес кьабулхеркули виалли, илизиб ихтияр леб, имамлици дугьаризурли магьар бехъахъес (фасху) («Игъанату ат-Палибин»).

Муруладамлиски елгагьатгиримцлал ихьунуладамличил варх ца мерличив цунухъес асубирару?

Мурул адамлис сай мяхрамли ахенси хьунул адамличил цунухъес асубирару ахен. Амма мурул адамлис кел ва гьатгиримцлал хьунул адамтачил цунухъес асубирару, илини илди хьунул адамтала хурматбирули виалли. Хьунул адамлис биалли я ца, я кел яра чумал мурул адамличил цунухъес асубирару ахен.

Эгер кьялла ний изухъели, ила кьялла жихи чегалли, ний хиярамдирулив (нажаста детарулив)?

Ил анцбукьлизиб гьяфву (чевверхни) бируси саби ва ний беркайзир пайдаладрес асубирару.

Адам вебкьибхъели, вебкьибсила гьелабтани садакья бирулра или, ца яра кел халати хияван делги, садакьялис дуртгули сари, гьелаб калунти хъалибаргличи херхъеили илгуна садакья бирни бархъесив?

Садакья дебали дурхъаси баркьуди саби. Хиядисуназиб буруси тьярли адам вебкьибхъели илис пайда бихути секлумазибадди саби. Амма лебил вегла мас садакьялис бедалли, вегли бахес, абикъес хияжати адамти гушли кавлули биалли, илгуна садакья барес асухебирар. Вегла хъалибарглисра веглисра хияжати батурли, гур калунси бутгес дебали дурхъали бирар.

Дазала дирухъели, шинли бицибси гажи духна някьличирад, яра дяхличирад шинла кунтйри кантйдухъалли, иди шин дазайс асудирутив?

Иди кунтйри, дазайзир дирцес черти мерани (дах, някьби, бекла гъез, кьяшми) ипухъели кантйдухъи диалли, ишди шуртйри хисабдарес хияжатибиркур: ил гажинла духна ихди кантйдухъунти шинла кунтйрала кьадар, цудара яра хунтйенна тугтила шинла кунтйри кантйдухъалри, илди шинла ранг дехисурбулхъил, яра нарла шинла кунтйри кантйдухъалри, илди шинла тем бехисурбулхъил, яра илдицад кунтйри темла бег кьирла кантйдухъалри, илди шинла тем бехисурбулхъил. Бехисурбулхъалли, илди гунти шин дазайс асудирар. Гажинла духна дахъал кунтйри кантйдухъунал камти кантйдухъунал балули хейгьалли, илди шин асудирар.

Виштгасилис чила биалра у бихъили биалли ит у бихъибси адамлизирад хиялалдеш сасес гьягнитив?

Виштгасилис у сегуна дигара бихъес вирар, амма жагаси, динла у бихъни дурхъали бирар, сенахенну илди кьяямала бархли чула дудешхъалара чулара умачибли жибирути саби. Ил у бихъни-лисра чизирадалра хиялалдеш гьягнити ахен.

Машинала ухна кайили дехибала дирес асубирару?

Кьяшмачи тлашизес ва кьибала шайчи кайзес вирус бусурман адамли дехбала тлаши дирути сари. Тлаши уэс ахъри агарсини дехбала кайилира дарес вирар. Ил баресра имкан агарсини кайхъира вирар дехбала дарес, шайчи кайхъи, ил баресра хейралли, кьакъличи кайхъира дарес вирар. Суннатла дехбулти кайили яра шайчи кайхъи даресра асубирару саби.

Хьунул адамла муцурла удила канпбарес чебла сабив, ахи суннат сабив?

Хьунул адамлис дехбайзирхъели ва сунес мяхрамли бетхерути адамтала мяклар, дяхра бек някьбира ахенси, лебил кьаркьала канпбарес хияжати саби. Камси бутга биалра муцурла удила канпбарес гьягнибиркур.

Цархилти идбагунасна салават бучусив?

Цархилти идбагунасна салават бучуни, илдас гьяхдеш, балгни гьяхси баркьуди саби (Сунна), эгер илис гьала нушала Идбаглис салават бучулли. Амма цархилти идбагунасна салават бучулис, гьалаб нушала Идбаглис хелбелчи хейгеси саби (карагьат) («Фатхул Аллям»).

Виштгаси дурхъалис умудеш бирухъели, нешла дазала дулутив?

Уршилис умудеш бирухъели, илала някьби виштгасила гьявратличи кьачхедики гьегъи, дазала дулуту ахен.

Нажас (нядеш) цархил шинкьадешли умубарес асубирару шинничил ахенси?

Нажас умубарес асубирару саби чянкли умуту, гьалар фрзлизир пайдалахедарибти шинничил. Амма имам Абу-Хиянифала мазгьаблизиб нажас чидил дигара шинкьадешли умубарес асубирару саби. («Мизану аш-Шагърани»).



Хьунул адамла муцурла удила канпбарес чебла сабив, ахи суннат сабив?

Хьунул адамлис дехбайзирхъели ва сунес мяхрамли бетхерути адамтала мяклар, дяхра бек някьбира ахенси, лебил кьаркьала канпбарес хияжати саби. Камси бутга биалра муцурла удила канпбарес гьягнибиркур.

Идбаглис дучути салаватуназибад чидил саби беглара дурхъаси?

Беглара дурхъаси салават – «Салатул Ибрагъимия» салават саби, цархилван буралли, «кама саллайта...», дехбайзиб, ташагъгудлис гьегъи салам бедес гьалб бучуси («Фатхул Аллям»).

Рузнама

Февраль

дни	Утрений Ас-Субхл	восх.	Обеден. Аз-Зугьр	После-обеден. Аль-гаср	Вечерн. Аль-Магъриб	Ночной Аль-гъишаъ
1	05:26	07:03	12:05	14:40	17:04	18:34
2	05:25	07:02	12:05	14:41	17:05	18:35
4	05:23	07:00	12:05	14:44	17:08	18:38
6	05:21	06:57	12:06	14:46	17:10	18:40
8	05:19	06:55	12:06	14:48	17:13	18:43
10	05:17	06:52	12:06	14:50	17:16	18:46
12	05:15	06:50	12:06	14:52	17:18	18:48
14	05:12	06:47	12:06	14:54	17:21	18:51
16	05:10	06:44	12:06	14:56	17:23	18:53
18	05:07	06:41	12:05	14:58	17:26	18:56
20	05:04	06:38	12:05	14:00	17:29	18:59
22	05:01	06:35	12:05	14:02	17:31	19:01
24	04:58	06:32	12:05	14:04	17:34	19:04
26	04:55	06:29	12:04	14:06	17:36	19:06
28	04:52	06:26	12:04	14:07	17:39	19:09

Рузнама Мяхъячкьалала шагъарлис саби

Рекомендовано каноническим отделом ДУМД для г. Махачкалы

Хурматла узби ва рузби!

2015 ибил дуслис «Ас-салам» газеталис кьулбасбирес даимбиубли саби.
Газета кьулбасбарес вирар чиди-дигара почтала отделениелизиб. Илкьяйдали Дагъиста лерилра районтазибти нушала хиянчизартачибад.
«Ас-салам» газета кьулбасбирули, Дагъистайзиб Ислам тинтибирнилизиди хушалара пай кабирхуларая...
Кьудратла Вегл Аллагъли нушала уркибазиб иманра, Исламра, динничидигира имцадараб.
Дусла духнар дурадлухъути газетабала багъни бузри хиясибли дарсдиклар!
Дирхулра, нушала бучланти газета агарли кахлевлан.

Хурматла узби ва рузби!
Динничил дархдасунти, «Ас-салам» редакциялизи яра даргала «Ас-салам» газетала редакторличи суалти лердиалли, хушани телефонна иш гьегъиси номер хиясибли занкьдахъес дирудая:
+7 (988) 303 00 08 (Асхаб).
Диубсигъуна кумекбирехъе, иншаАллагъ !!!